

GORCHYMYN DIOGELU MANNAU CYHOEDDUS SYLWEDDAU MEDDWOL GAN GYNNWYS ALCOHOL



Beth mae'r Cyngor yn ei gynnig?

1. Cadw'r Gorchymyn Diogelu Mannau Cyhoeddus (PSPO) presennol sy'n dynodi Bwrdeistref Sirol gyfan Rhondda Cynon Taf yn Barth Yfed a Reolir. Dydy hyn ddim yn gwahardd cario alcohol neu yfed alcohol mewn mannau cyhoeddus neu'i gwneud hi'n anghyfreithlon i wneud hynny, cyn belled â bod yr unigolyn/unigolion yn yfed yn gyfrifol.
2. Amrywio'r Gorchymyn Diogelu Mannau Cyhoeddus i gynnwys Parthau Gwahardd Sylweddau Meddwol yng nghanol trefi **Pontypridd** ac **Aberdâr**. Bydd yr ardaloedd yma o Bontypridd ac Aberdâr yn cael eu diffinio (gweler y mapiau wedi'u hatodi). Mae hyn yn gwahardd unigolion yn yr ardaloedd yma rhag amlyncu, anadlu, chwistrellu, ysmygu neu ddefnyddio sylweddau meddwol mewn mannau cyhoeddus.
3. Awdurdodi yfed alcohol yn y parthau gwahardd dim ond pan fo'r gweithgaredd hwnnw yn cael ei wneud mewn adeilad neu ffiniau adeilad sydd wedi'i awdurdodi i'w ddefnyddio ar gyfer cyflenwi alcohol.
4. Y ddirwy benodedig fydd **£100** (yr uchafswm wedi'i ganiatáu).

Beth yw Gorchymynion Diogelu Mannau Cyhoeddus (PSPOs)?

Bwriad gweithredu gorchymynion diogelu mannau cyhoeddus yw delio â niwsans neu broblem benodol mewn ardal benodol sy'n niweidiol i ansawdd bywyd y gymuned leol, trwy osod amodau, mae rhaid i bawb gydymffurfio â nhw, ar ddefnydd yr ardal. Mae modd defnyddio'r gorchymyn yma i ymdrin â phroblemau tebyg yn y dyfodol. Mae Deddf Ymddygiad Gwrthgymdeithasol, Troseddau a Phlisma 2014 yn caniatáu i gynghorau gyflwyno'r gorchymynion yma, ar ôl iddyn nhw ymgynghori â chymunedau ac eraill sydd â diddordeb. Mae rhaid adolygu'r gorchymynion bob tair blynedd i sicrhau eu bod nhw'n angenrheidiol.

Beth yw ystyr Gorchymyn Diogelu Mannau Cyhoeddus Bwrdeistref Sirol gyfan?

Nod y Gorchymyn fydd rhoi'r pwerau angenrheidiol i awdurdodau lleol gyflwyno cyfyngiadau ar weithgareddau a ffyrdd o ymddwyn yr ystyrir eu bod nhw'n 'wrth-gymdeithasol' mewn 'mannau cyhoeddus'.

Mae Gorchymyn Diogelu Mannau Cyhoeddus wedi'i gynllunio i atal a gwahardd ffyrdd penodol o ymddwyn. Y bwriad yw y bydd cyfyngiadau ar yfed alcohol mewn mannau cyhoeddus. Bydd amod yn cael ei gyflwyno sy'n rhoi'r pŵer i swyddogion yr heddlu a swyddogion gorfodi eraill ofyn i unigolyn sy'n ymddwyn yn wrthgymdeithasol ac sydd ym meddiant alcohol, i roi'r gorau i'w yfed. Bydd hefyd yn rhoi'r pŵer i swyddogion yr heddlu/swyddogion gorfodi atafaelu'r alcohol. Os bydd yr unigolyn yn gwrthod rhoi'r gorau i yfed alcohol, ar ôl i swyddog yr heddlu/swyddog gorfodi ofyn iddo wneud hynny, ac yn gwrthod rhoi unrhyw gynwysyddion sydd, ym marn y swyddog, yn cynnwys alcohol, bydd ef/hi yn torri'r gyfraith.

Unwaith i'r Gorchymyn gael ei gyflwyno, caiff ei weithredu gan yr Awdurdod Lleol (gweithwyr ag awdurdod) a'r heddlu. Os caiff unrhyw amodau o'r Gorchymyn eu torri, bydd hyn yn drosedd ac yn arwain at ddirwy o £100 (drwy Hysbysiad Cosb Benodedig), neu ddirwy o £1,000 os caiff yr unigolyn ei erlyn.

A ydy'r Gorchymyn wedi'i orfodi ledled y fwrdeistref yn gwahardd yfed alcohol?

Nac ydy. Ymddygiad yr unigolyn sy'n yfed alcohol yw prif ystyriaeth y swyddogion sy'n gorfodi'r gorchymyn. Does dim disgwyl i'r unigolion sy'n yfed alcohol yn synhwyrol fod yn destun gofynion y gorchymyn. Mae canllawiau'r Swyddfa Gartref yn atgyfnerthu hyn. Serch hynny, fydd dim modd yfed alcohol yn y parthau gwahardd, heblaw mewn perthynas â gweithgaredd, adeilad neu gwrtil mangre sydd wedi'u hawdurdodi i'w defnyddio ar gyfer cyflenwi alcohol trwy drwydded neu dystysgrif mangre clwb neu ganiatâd sydd wedi'i roi o dan adran 115E o Ddeddf Priffyrdd 1980.



GORCHYMYN DIOGELU MANNAU CYHOEDDUS SYLWEDDAU MEDDWOL GAN GYNNWYS ALCOHOL



Beth mae Sylweddau Meddwol yn ei olygu?

Diffiniad **Sylweddau Meddwol** yw sylweddau sy'n gallu ysgogi neu iselhau'r system nerfol ganolog. (mae hyn yn cynnwys alcohol a sylweddau a elwir yn 'anterthau cyfreithlon'): Bydd eithriadau os yw'r sylweddau yn cael eu defnyddio at ddiben meddygol mae modd ei brofi, yn cael eu rhoi i anifail fel meddyginiaeth, yn sigarêts (tobacco) neu anweddwy (vaporisers), neu'n nwyddau bwyd wedi'u rheoleiddio gan ddeddfwriaeth Bwyd, Diogelwch neu Iechyd.

Beth yw buddion y Gorchymyn yma?

Prif fuddion yw lleihau yfed alcohol ar y stryd sy'n cael effaith negyddol ar gymunedau a'r amgylchedd, wrth leihau defnydd niweidiol o alcohol a diogelu pobl sy'n agored i niwed.

Ble fydd y parthau gwahardd?

Y Parthau Gwahardd Sylweddau Meddwol arfaethedig yw canol trefi **Pontypridd ac Aberdâr**. Gweler y mapiau ar y dudalen nesaf. Mae'r Gorchymyn Diogelu Mannau Cyhoeddus presennol yn dynodi Bwrdeistref Sirol gyfan Rhondda Cynon Taf yn Barth Yfed a Reolir.

Sut mae modd i mi ddweud fy nweud?

Rhwng **15 Ionawr** a **12 Mawrth 2018** mae cyfle i chi wneud y canlynol;

- Llenwi holiadur ar-lein ar www.rctcbc.gov.uk/CY/GetInvolved/Consultations/Currentconsultations.aspx
- E-bostio'ch sylwadau ymgynggori@rctcbc.gov.uk
- Ysgrifennu aton ni
RHADBOST: RSBU-HJUK-LSSS,
Carfan Ymchwil ac Ymgynghori,
Y Pafiliynau, Cwm Clydach CF40 2XX
- Bydd achlysur ymgynghori lleol yn cael ei gynnal yn Aberdâr a Phontypridd.
Byddwn ni'n rhoi'r manylion am y rhain ar y wefan.



RHONDDA CYNON TAF

GORCHYMYN DIOGELU MANNAU CYHOEDDUS
SYLWEDDAU MEDDWOL
GAN GYNNWYS ALCOHOL



Parth Aberdâr

Parth Gwahardd Sylweddau Meddwol Arfaethedig



Hawlfraint y Goron a hawliau cronfa ddata 2016 Arolwg Ordnans 100023458




RHONDDA CYNON TAF

GORCHYMYN DIOGELU MANNAU CYHOEDDUS
SYLWEDDAU MEDDWOL
GAN GYNNWYS ALCOHOL



Parth Pontypridd

Parth Gwahardd Sylweddau Meddwol Arfaethedig



Hawlfraint y Goron a hawliau cronfa ddata 2016 Arolwg Ordnans 100023458



RHONDDA CYNON TAF